

**დადგენილება #ე.პ. 0521-22**  
**გაფრთხილების სახით ადმინისტრაციული სახდელის**  
**დადების შესახებ**

თბილისი

07 ივლისი 2022

1. დადგენილების გამომტანი ორგანო (თანამდებობის პირი):

ადმინისტრაციული სამართალდარღვევის საქმის განმხილველი კომისია, კომისიის თავმჯდომარე  
ნინელი ბოჭორიშვილი

2. საქმის განხილვის თარიღი: 2022 წლის 07 ივლისი

3. ცნობები პირის შესახებ, რომლის მიმართ განიხილება საქმე:

შპს „ნატექსი“

მდებარე, იურიდიული მისამართი: ქ. თბილისი, ისანი-სამგორის რაიონი, რუსთავის გზატკ. #19,  
კორპ #4

საიდენტიფიკაციო კოდი #204486911

ფაქტობრივი ადგილსამყოფელი: ქ. ახალციხე, ტაბიძის #25

4. საქმის განხილვისას დადგინდა შემდეგი გარემოებები:

2022 წლის 30 ივნისს, ახალციხეში რეგისტრირებული აბონენტის №2910011062 -ისა და აბონენტ  
#2910225720-ის აღრიცხვის კვანძის შემოწმებისას, აღმოჩნდა, რომ დავალიანების გამო გათიშული  
აბონენტი ჩართული იყო ქსელში და მოიხმარდა ელ.ენერგიას. აბონენტის #2910011062 გათიშვის  
ჩვენება იყო 000309.6 ხოლო წინსვლის ჩვენება 000310.1 ხოლო აბონენტ 2910225720 გათიშვის ჩვენება  
იყო 000157 და წინსვლის 00159, ორივე შემთხვევაში დაფიქსირდა ელ.ენერგიის თვითნებურად  
აღდგენის ფაქტი, აღნიშნული ქმედება, წარმოადგენს სამართალდარღვევას, რაზედაც შედგა

სს „ენერგო-პრო ჯორჯია“

სამართალდარღვევის ოქმები ას №009772, ას#009775. აღნიშნული აბონენტის ნომრებით კომპანიის ბაზაში აბონენტად რეგისტრირებულია შპს „ნატექსი“ (ს.კ204486911) 2022 წლის 30 ივნისს შპს „ნატექსი“-ს მიმართ შედგენილ ადმინისტრაციული სამართალდარღვევის №009772 და №009775 ხელი მოაწერა შპს „ნატექსი“-ს წარმომადგენელმა დავით მღებრიშვიმ. რომელსაც იქვე გადაეცა ადმინისტრაციული სამართალდარღვევის ოქმები. მან ოქმში, ახსნა-განმარტების გრაფაში, აღიარა სამართალდარღვევის ჩადენის ფაქტები.

შპს „ნატექსი“-ს მიერ ელ.ენერჯის უკანონო მოხმარება (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2022 წლის 07 ივლისს ელექტრონულად გამოგზავნილი ინფორმაციით. საქმეში, ასევე წარმოდგენილია 30.06.2022 წლის №A963174 და №963202 აღრიცხვის კვანძის შემოწმება-მიღების აქტები, რომლითაც დასტურდება შპს „ნატექსი“-ს მიერ ელ.ენერჯის მოხმარება და აღრიცხვის წესების დარღვევა. საქმეს ასევე თან ერთვის ფაქტის ამსახველი ვიდეომასალა. ფაქტია, რომ ელ.ენერჯის თვითნებურად აღდგენა მხოლოდ აბონენტის ინტერესში შედის. საქმეში დევს დადასტურება, რომ შპს „ნატექსი“-ს ეცნობა საქმის განხილვის დროისა და ადგილის თაობაზე, თუმცა სხდომაზე შპს „ნატექსის“ წარმომადგენელი არ გამოცხადდა. გამოუცხადებლობის საპატიო მიზეზებისა თუ სხდომის გადადების თაობაზე შპს „ნატექსი“-ს წარმომადგენელს არანაირი განცხადებით კომისიისთვის არ მოუმართავს. ამდენად, კომისია უფლებამოსილია მისი დასწრების გარეშე განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; აბონენტის ბარათი; ამონაწერი სამეწარმეო რეესტრიდან; საქმის განხილვის დროისა და ადგილის თაობაზე; ვიდეომასალა; ჩაბარების დადასტურება), რომელთა მეშვეობითაც დგინდება შპს „ნატექსი“-ს (ს/კ 204486911) მიერ ადმინისტრაციულ სამართალდარღვევათა კოდექსის 96<sup>1</sup> მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელ.ენერჯის მოხმარება აღრიცხვის წესების დარღვევით. სამართალდარღვევის ოქმი შედგენილია ა.ს.კ 240-ე მუხლის მოთხოვნათა დაცვით. დაცულია ადმინისტრაციული სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების ორთვიანი ვადა.

.....

5. ადმინისტრაციული სამართალდარღვევის საქმის განმხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96<sup>1</sup> მუხლის პირველი ნაწილით; მე-10; 38-ე; 236-ე; 240-ე; 228<sup>2</sup>-ე მუხლებით; 266-ე მუხლის მე-4 ნაწილით; სემეკის 12.08.10 #14 და 28.06.21 #19 დადგენილებით; ს/ს „ენერგო-პრო ჯორჯიას“ გენერალური დირექტორის 17.09.10 RU #2010009 წესით, სს ენერგო-პრო ჯორჯიას დირექტორთა საბჭოს თავმჯდომარის 26.01.2022 OR #2022001 ბრძანებით და

**დავადგინე:**

6. შპს „ნატექსი“ (ს/კ 204486911) ცნობილ იქნეს ადმინისტრაციულ სამართალდამრღვევად ა.ს.კ. 96<sup>1</sup> მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას 15000 ლარის ოდენობით.

8. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცკევიჩის ქ.#19).

9. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

უფლებამოსილი პირის ხელმოწერა:

კომისიის თავმჯდომარე:  
ნინელი ბოჭორიშვილი

